

# НАШРЛАРГА ХАЛҚАРО СТАНДАРТ ТАРТИБ РАҚАМИНИ БЕРИШДА ХАЛҚАРО ТАЖРИБАЛАР



**Маъмура Ҳидоятова,**  
Ўзбекистон Миллий  
кутубхонаси Миллий  
библиография  
базаларини  
шакллантириш  
хизмати етакчи  
мутахассиси



аҳонда нашр этилаётган китоб, газета, журналларнинг сони кундан кунга ортиб бориши нашр савдоси билан шуғулланувчилар ва китоб тарқатувчилар ишини мураккаблаштириб юборди. Натижада, дунёда чоп этилаётган ҳар бир нашрга буюртма бериш ва фондларда сақланаётган китоблар ҳақидаги маълумотларни автоматик тарзда ишловдан ўтказиш эҳтиёжи юзага келди. Бу эса, ўз навбатида, ҳар бир китобни бир қиймат бўйича аниқлайдиган ноёб ва айни пайтда содда рақамлаш тизимини яратишни талаб қилади.

Дунёнинг юзлаб мамлакатларида юзлаб тилларда миллиондан ортиқ номда китоб ва даврий нашрлар босилапти. Ҳар бир нашрнинг ўз ўрни бор, албатта. Ҳар бир нашрни ягона тарзда тавсифлаш, қидирган чоғда осонгина топиш учун ISBN ва ISSNдан фойдаланиш мумкин. Агар ISBN ёки ISSN маълумотлари компьютерга киритилса, тегишли дастурлар ёрдамида китоб ва даврий нашрнинг чиқиш маълумотларида бўлган биргина сўз ёки рақам орқали у ҳақда жами ахборотни осонгина топиш мумкин.

Ўзбекистон 2006 йил китоб маҳсулотлари учун қўлланиладиган халқаро ISBN (International Standart book number – китобларнинг

халқаро стандарт рақами) тизимига, 2008 йил электрон нашрлар, газета-журналлар ва бошқа туркум нашрлар учун ишлаб чиқилган халқаро стандарт – ISSN (International Standart serial number – туркум нашрларнинг халқаро стандарт рақами) тизимига қўшилди.

ISBN жаҳоннинг исталган мамлакатда чиқаётган ҳар бир китобни ягона тарзда тавсифлаш имконига эга.

Республикамызда чоп этиладиган туркум нашрларни идентификациялаш учун ISSN тизими қўлланилади. Ушбу рақамлар ЮНЕСКО қошида иш олиб борадиган Халқаро ISSN агентлиги томонидан Ўзбекистон Миллий кутубхонасига юборилади ва кутубхона томонидан туркум нашрга тақсимланади.

Республикамызда чоп этиладиган барча газета ва журналлар ISSN билан белгиланиши кўрсатилган.

ISBN ва ISSN рақамларини тақдим этишда Миллий кутубхона Ўзбекистон Матбуот ва ахборот агентлиги билан ҳамкорликда мунтазам ишлаб келмоқда. Бугунги кунда Ўзбекистонда 122 та нашриётлар ва 1015 та таҳририятлар фаолият юритиб келмоқда. Демакки, ушбу нашриёт ва таҳририятлар Миллий кутубхона билан доимий ҳамкорликда бўлишни тақазо этади. Нашриёт ва таҳририятлар билан масофадан туриб хизмат кўрсатишни самарали ташкил этиш мақсадида Миллий кутубхона томонидан 2013 йил isbn.natlib.uz он-лайн интерактив хизмати жорий қилинган.

Жорий йилнинг 3–5 апрель кунлари Франция халқаро ISSN агентлиги томонидан Қозоғистоннинг Алмата шаҳридаги Миллий кутубхонасида «ISSN Минтақавий ўқув ва ахборот сессияси» бўлиб ўтди. Сессияда Ўзбекистон, Франция, Беларусь, Қозоғистон, Қирғизистон, Россия, Украинадан ISSN мутахассислари иштирок этдилар.

Сессиянинг очилиши ISSN халқаро марказининг раҳбари Гаэль Беке ва Қозоғистон



Миллий кутубхонаси директори Шанат Сеидуманов иштирокида бўлиб ўтди. Сессиянинг ялпи мажлисида Қирғизистон Миллий китоб палатасининг Каталоглаштириш ва стандартлаштириш бўлими раҳбари Майрамбубу Мамбетказиева «Қирғизистон Миллий ISSN агентлиги фаолияти» мавзусида, Ўзбекистон Миллий кутубхонасидан «Ўзбекистон Миллий кутубхонаси – Ўзбекистонда ISSN Миллий маркази» мавзусида маърузалар билан қатнашди. Маърузада Миллий кутубхона ва Миллий ISSN марказининг Ўзбекистонга кириб келиши, ISSN дастури, онлайн буюртмалар ҳамда Давлат стандартлари ҳақида маъруза қилинди. Сессияда иштирок этган ISSN мутахассисларининг Миллий кутубхонада жорий этилган онлайн хизмат турига бўлган қизиқиши баҳс-мунозараларга бой бўлди. Унда «Россия ТАСС ахборот агентлиги»дан Россия китоб палатаси филиали раҳбари Павел Зотов, Франция ISSN халқаро марказининг раҳбари Гаэль Беке Ўзбекистон ISSN миллий маркази дастури, унда ишлаш жараёни билан боғлиқ бўлган саволларга ўша жойнинг ўзида интерфаол дастур ёрдамида амалий намоиш қилиб бериш орқали жавоб олдилар.

Шу куннинг ўзида иккита секция ўз ишини бошлади. Биринчи секцияда – Гаэль Беке Беларуссия, Қозоғистон ва Россия Китоб палатаси вакиллари билан ISSN Минтақавий марказини яратилиши бўйича йиғилиш ўтказди.

Иккинчи секцияни – Библиографик маълумотлар яратиш бўйича мутахассис, Франциядаги ISSN халқаро маркази ходими Ирина Стрельникова-Нолен Қирғизистон, Украина ва Ўзбекистонлик вакиллар иштирокида семинар-тренинг олиб борди. Унда ISSN рақамини қандай ўзлаштириш, ISSN ёзувлари, ISSN расмий талабларини қайта ишлаш масалалари кўрилди.

Семинар-тренингнинг иккинчи кунини «MARC 21 форматидаги каталоглаштириш» мавзусига бағишланди ва унда чиқиш маълумотлари, URL адрес тавсифлари, ёзувларни боғловчи майдонлар, кодланган маълумотлар масалалари кўрилди.

Сессиянинг учинчи кунинида ISSN назорат

**ISBN**  
Давлатлараро стандарт (ГОСТ 7.53-2001)га кўра, китобларнинг халқаро стандарт рақамланиши (ISBN) кўп нусхада босиладиган кўйидаги ҳужжатларга кўйилади:

- китоб ва брошюралар;
- альбом ва атласлар;
- комплект нашрлар;
- аудио ва видео нашрлар;
- электрон нашрлар;
- микроташувчилардаги нашрлар;
- кўзи ожизлар учун Брайль ҳарфларида босилган нашрлар

**ISSN**  
Давлатлараро стандарт (ГОСТ 7.56-2002)га кўра, ISSN белгиси кўйиладиган туркум нашрларга кўйидагилар киради:

- газеталар-журналлар;
- йилномалар;
- туркумлар (рақамланмаган китоб серияларидан ташқари);
- мунтазам ўтказиладиган конгресслар, конференциялар, симпозиумларнинг нашрлари;
- туркум аудио-видео нашрлар;
- туркум электрон нашрлар;
- микроташувчилардаги туркум нашрлар

ёзувлари, ўзгаришлари, ёзув кўшиш, ёзувларни бекор қилиш масалалари кўрилди.

Назарий билимларимизни мустаҳкамлаш учун амалий машғулотларда ISSN ёзувлари киритилган майдонларни текшириш, таҳлил қилиш, янгилаш кўриб чиқилди.

2017 йил 6 апрель кунини Алматанинг Атакент-Экспо марказида «Буюк ипак йўли бўйлаб» деб номланган Халқаро Қозоғистон китоб ва полиграфия кўрғазмасини очилиш маросими бўлди. Мазкур кўрғазмада МДХ давлатларидан вакиллар иштирок этдилар. Кўрғазмада янги технологияларда босилган китоблардан ташқари полиграфиянинг қутиларга гул босиш, матоларни (шелкографик) нақшлар билан безаш ва бошқа турлари бўйича ҳам кўрғазмалар ташкиллаштирилди.

Хулоса ўрнида шуни айтиш мумкинки, бугунги кунда китоб маҳсулотларини чоп этиш ва тарқатиш тизимини ривожлантиришга берилаётган юксак эътибор нафақат республикада, балки халқаро миқёсда ҳам ривожланиши қувонарли ҳол албатта. Бундай дунё миқёсидаги сессиялар, китоб кўрғазмалари мамлакатнинг маънавиятини юксалишига катта ҳисса қўшишига шубҳа йўқ.

Жорий йилнинг  
3–5 апрель  
кунлари Франция  
халқаро ISSN  
агентлиги  
томонидан  
Қозоғистоннинг  
Алмата шаҳридаги  
Миллий  
кутубхонасида  
«ISSN Минтақавий  
ўқув ва ахборот  
сессияси»  
бўлиб ўтди

**Хидоятова Маъмура, ведущий специалист службы формирования Национальных библиографических баз данных Национальной библиотеки Узбекистана**

В статье описана система международной стандартной нумерации изданий ISBN и ISSN, общие сведения, основные параметры и правила применения. Представлена информация об обслуживании издательств (редакций, типографий) через онлайн систему isbn.natlib.uz, об учебном семинаре «Региональная обучающая и информационная сессия ISSN» который был организован международным агентством ISSN Франции в г. Алматы в апреле 2017 года. ■